

Mazarin
3577

Le Salvat des partisans

RARE BOOK
COLLECTION



THE LIBRARY OF THE
UNIVERSITY OF
NORTH CAROLINA
AT
CHAPEL HILL

Mazarin
3577

UNIVERSITY OF N.C. AT CHAPEL HILL



00023010313

LE

3577

SALVT

DES

PARTISANS.

ET AVTRES PIECES

DV TEMPS.

M. DC. XLIX.

DAVID J. EMPS

PARTISANS

SALVAGE

SOVHAITS
DES BONS FRANCOIS.

CHantons tout haut, Gaudeamus,
Le Parlement a le dessus,
Et nous remet en nos estats, Alleluya, &c.

Nous ioüyssons par la bonté
De cette ancienne liberté,
Plus d'impôst l'on ne souffrira, Alleluya.

Tous les Maltotiers sont camus,
Ces malheureux n'en peuuent plus,
Retournent en leurs premiers estats, Alleluya.

Charles Picard tout le premier,
Reprend l'estat de Cordonnier,
Que iadis son pere exerça, Alleluya.

Tabouret veut aussi rentrer
Dedans l'honorable mestier
De frippier tant il s'y aima, Alleluya.

Doublet malgré tous les supposts,
Reprend aujourd'huy les sabots,
Que dans Paris il apporta, Alleluya.

Pour le Fèvre chacun s'oustien,
 Que puis qu'il est venu de rien,
 En l'air ces jours il finira, Alleluya.

Mesme l'on void que Guenegaud,
 Qui viuoit iadis à gaugaud,
 A grand' peine il s'en sauuera, Alleluya.

Quoy qu'on ait veu monsieur Larcher
 Avec grand train tousiours marcher,
 Au village on le trouuera, Alleluya.

Sans rechercher l'extraction
 De Catelan, ny sa maison,
 D'abord on croit qu'on le pendra, Alleluya.

Et pour le regard d'Emery,
 Chacun s'oustient dedans Paris,
 Que le Diable l'emportera. Alleluya.

Or sus il nous faut resiouyr,
 Et ne plus iamais se seruir
 De ces Diabes incarnez là. Alleluya.

Et ce forcier de Mazarin
 Qui a soustenu tout ce train,
 C'estoit pour troubler tout l'État.

AIR

AIR DV TEMPS.

Sur le chant, *Laissez paistres vos bestes.*

Quoy que ne soyez bestes,
Pauvres Laboureurs & Marchands,
L'on veut vous faire paistre
L'herbe parmy les champs.

LE Cardinal cét animal,
Qui est cause de nostre mal,
Et son Mulet & son Cheual,
Il ruine tout le peuple,
Cét hypocrite & endiable;
Cependant cét infame
Fait encherir nos bleds.

Quoy que ne soyez bestes, &c.

Il a rauy tous nos Louys,
Pour enuoyer en son pays,
Car les Iules en sont banis;
Mais s'il ne les rapporte
Il se verra bien-tost puny,
Le grand diable l'emporte,
S'il ne les va querir.

Quoy que ne soyez bestes, &c.

Et ce pourceau de Chancelier
Qui de nos bouës a tant mangé,
Qu'en puisse-il estre creué.
Dedans l'Hostel de Luynes,
S'il ne s'y fut bien-tost sauué,
L'on l'eut mis dans la Seine,
Pour l'apprendre à nager.

Quoy que ne foyez bestes, &c.

La Melleraye s'en est melleé,
Qui a esté bien estrillé,
Et par les Mariniers gaulé;
Les grands crocs de la Gréue
L'ont fait promptement retirer,
Et eut des coups de pierre
Par dessus le marché.

Quoy que ne foyez, &c.

Particelle, ce gros dragon,
Il eut esté pendu dans Lyon,
Ce qui luy fit changer son nom
S'enfuyant de la ville
Pour se sauuer en Auignon,
Les Iuifs le retirèrent
Comme leur compagnon,

Quoy que ne foyez bestes, &c.

Où estoient ces Monopoleurs,
Tous ces Partizans & volleurs,
Et de la France les Mineurs :
Alors des barricades,
Si l'on les eust peu attrapper,
Nostre braue brigade
Les eut fait écorcher.

Quoy que ne soyez, &c.

Mais Nosseigneurs de Parlement,
Donneront bien-tost iugement,
Pour mettre à la potence,
Et puis de là à Mont-faucon
Cette maudite engeance,
Hélas ! qu'en dira-t'on.

Quoy que ne soyez, &c.

Grand Parlement à cette fois,
A ces voleurs faites les Loix,
Que le bon temps fassiez reuoir
Parmy toute la France,
Comme autrefois il a esté,
Par vostre preuoyance,
Et grande charité.

Quoy que nous soyons, &c.

Et vous Bourgeois, prudents Soldats,
Qui vous disposez aux combats,
Pour vn sujet si iuste, hélas!
Qu'vn Paris dans la France,
Ne respire que pour son Roy,
Pour estre en assurance,
Et viure sous sa Loy.
Quoy que ne soyez bestes,
Pauures Laboureurs & Marchands,
L'on veut vous faire paistre
L'herbe parmy les champs.

AUTRES PIÈCES.

ANAGRAMME.

*Voyez de Mazarin la plaisante Anagramme
Il y a Sarazin mettant s pour m.*

Voyez vn peu quelle manie;
Luy vient de saisir le cerueau,
N'est-ce pas le traiter de grand' ceremonie,
Quand vn Prince du sang luy oste son chapeau.

